

PENGESAHAN PENYATA KEWANGAN AGENSI PERSEKUTUAN

Perkara Utama

Apa yang diaudit?

- Akta Badan Berkanun (Akaun dan Laporan Tahunan) 1980 [*Akta 240*], menghendaki setiap Agensi Persekutuan mengemukakan penyata kewangan tahunan kepada Ketua Audit Negara untuk diaudit dalam tempoh enam bulan selepas berakhir tahun kewangan berkenaan.
- Pengauditan dilaksanakan terhadap 145 Agensi Persekutuan yang terdiri daripada Badan Berkanun Persekutuan; Kumpulan Wang Persekutuan dan Akaun Amanah; serta Agensi Persekutuan lain.

Mengapa ia penting untuk diaudit?

- Pengauditan terhadap Penyata Kewangan Agensi Persekutuan adalah untuk memberi pendapat sama ada penyata tersebut menunjukkan kedudukan kewangan Agensi Persekutuan yang benar dan saksama serta rekod perakaunan yang berkaitan telah diselenggarakan dengan teratur dan kemas kini.
- Pengauditan penyata kewangan telah dilaksanakan berpanduan Garis Panduan Pengauditan Penyata Kewangan Asas Akruan berdasarkan International Standards of Supreme Audit Institutions (ISSAI).

Apa yang ditemui Audit?

- Penemuan Audit setakat 31 Disember 2022 adalah seperti berikut:
 - Bagi penyata kewangan yang berakhir pada 31 Disember 2021, sebanyak 134 Agensi Persekutuan telah mengemukakan penyata kewangan sebelum atau pada 30 Jun 2022 dan 10 Agensi Persekutuan mengemukakan penyata kewangan selepas 30 Jun 2022. Selain itu, penyata kewangan bagi satu Agensi Persekutuan yang berakhir pada 30 Jun 2022 telah dikemukakan pada 29 Julai 2022.

- Sebanyak 141 Sijil Ketua Audit Negara terhadap Penyata Kewangan Agensi Persekutuan telah dikeluarkan terdiri daripada:
 - 102 penyata kewangan diberi Pendapat Tanpa Teguran;
 - 21 penyata kewangan diberi Pendapat Tanpa Teguran dengan Penegasan Perkara; dan
 - 18 penyata kewangan diberi Pendapat Berteguran.
- Sebanyak empat penyata kewangan tahun 2021 masih dalam proses pengauditan.
- Hanya satu penyata kewangan Agensi Persekutuan bagi tahun 2021 yang diaudit telah dibentangkan di Parlimen.
- Analisis Audit bagi item penyata kewangan yang berakhir pada 31 Disember 2021, antaranya seperti berikut:
 - **Lebih atau Kurang Terkumpul**
 - Sebanyak 117 Agensi Persekutuan merekodkan lebih terkumpul pada tahun 2021 berjumlah RM252.464 bilion berbanding tahun 2020 berjumlah RM231.075 bilion, iaitu meningkat sejumlah RM21.389 bilion.
 - Sebanyak enam Agensi Persekutuan merekodkan kurang terkumpul berjumlah RM639.81 juta pada tahun 2021 berbanding tahun 2020 berjumlah RM1.067 bilion, iaitu penurunan RM427.19 juta.
 - **Kebergantungan Agensi Persekutuan kepada Pinjaman**
 - Kedudukan aset tahun 2021 bagi 123 Agensi Persekutuan berjumlah RM2,360.826 bilion telah mencatat peningkatan sejumlah RM111.147 bilion atau 4.9% berbanding tahun 2020 berjumlah RM2,249.679 bilion.

- Kedudukan liabiliti tahun 2021 bagi 123 Agensi Persekutuan berjumlah RM774.807 bilion telah menunjukkan peningkatan RM84.111 bilion atau 12.2% berbanding tahun 2020 berjumlah RM690.696 bilion.
- Lima Agensi Persekutuan telah merekodkan baki pinjaman tertinggi pada tahun 2021 berjumlah RM116.273 bilion, iaitu:
 - Lembaga Pembiayaan Perumahan Sektor Awam (RM59.375 bilion);
 - Perbadanan Tabung Pendidikan Tinggi Nasional (RM40.000 bilion);
 - Lembaga Kemajuan Tanah Persekutuan (RM8.809 bilion);
 - Perbadanan PR1MA Malaysia (RM4.542 bilion); dan
 - Lembaga Pelabuhan Kelang (RM3.547 bilion).

▪ **Terimaan Tidak Dikenal Pasti**

- Sebanyak 12 Agensi Persekutuan telah merekodkan terimaan tidak dikenal pasti berjumlah RM16.88 juta yang dinyatakan sebagai liabiliti di Penyata Kedudukan Kewangan tahun 2021.
- Lima Agensi Persekutuan telah merekodkan baki terimaan tidak dikenal pasti tertinggi pada tahun 2021, iaitu:
 - Lembaga Pembiayaan Perumahan Sektor Awam (RM10.19 juta);
 - Universiti Utara Malaysia (RM2.60 juta);
 - Universiti Teknologi MARA (RM2.21 juta);
 - Lembaga Pembangunan Industri Pembinaan Malaysia (RM0.92 juta); dan
 - Agensi Kelayakan Malaysia (RM0.36 juta).

▪ **Prestasi Pelaburan dalam Syarikat Subsidiari**

- Pada tahun 2021, sebanyak 55 Agensi Persekutuan mempunyai pelaburan dalam 234 syarikat subsidiari berjumlah RM52.244 bilion berbanding 193 syarikat subsidiari berjumlah RM45.092 bilion pada tahun 2020.
- Sehingga 31 Disember 2021, sebanyak 198 syarikat subsidiari Agensi Persekutuan berstatus aktif, 33 dorman dan tiga telah dibubarkan.
- Lima Agensi Persekutuan mempunyai pelaburan bersih melebihi RM1 bilion dalam syarikat subsidiari pada tahun 2021, iaitu:
 - Kumpulan Wang Simpanan Pekerja (RM33.497 bilion);
 - Kumpulan Wang Persaraan (Diperbadankan) (RM6.446 bilion);
 - Lembaga Tabung Angkatan Tentera (RM5.151 bilion);
 - Lembaga Kemajuan Tanah Persekutuan (RM3.456 bilion); dan
 - Lembaga Tabung Haji (RM2.350 bilion).

▪ **Aset Luar Jangka dan Liabiliti Luar Jangka**

- Sebanyak 52 Agensi Persekutuan membuat pendedahan berkaitan Aset Luar Jangka dan Liabiliti Luar Jangka dalam penyata kewangan tahun 2021.
- Sebanyak 21 daripada 52 Agensi Persekutuan mempunyai aset luar jangka dan Liabiliti Luar Jangka yang signifikan, iaitu melebihi RM10 juta.

▪ **Kesan Pandemik Covid-19**

- Sebanyak 73 Agensi Persekutuan telah membuat pendedahan dalam Nota Kepada Penyata Kewangan mengenai kesan pandemik Covid-19.
- Sebanyak 32 daripada 73 Agensi Persekutuan telah membuat pendedahan kesan pandemik Covid-19 terhadap hasil dan perbelanjaan pada 2021.

Apa yang disyorkan Audit?

- Pihak Audit mengesyorkan perkara seperti berikut:
 - Agensi Persekutuan perlu mengambil langkah yang sewajarnya untuk mengemukakan penyata kewangan dalam tempoh masa yang ditetapkan selaras dengan Akta 240;
 - pihak pengurusan Agensi Persekutuan hendaklah memastikan piawaian perakaunan dan peraturan kewangan dipatuhi supaya tadbir urus agensi dilaksanakan dengan lebih teratur, cekap dan berkesan; dan
 - pihak pengurusan Agensi Persekutuan hendaklah mengambil tindakan proaktif dan berkesan bagi menyelesaikan semua isu yang dibangkitkan.